

GOBIERNO DE NAVARRA

HACIENDA Y POLÍTICA FINANCIERA

PRESIDENCIA, FUNCIÓN PÚBLICA,  
INTERIOR Y JUSTICIARELACIONES CIUDADANAS E  
INSTITUCIONALES

EDUCACION

SALUD

CULTURA, DEPORTE Y JUVENTUD

DERECHOS SOCIALES

DESARROLLO ECONÓMICO

SEGURIDAD Y EMERGENCIAS

DESARROLLO RURAL,  
ADMINISTRACIÓN LOCAL Y MEDIO  
AMBIENTE

## Laneko 1.808 istripu erregistratu ziren urteko lehen hiruhilekoan Nafarroan, hau da, 2014an baino % 3,8 gutxiago

*Laneko ezbeharren kopuruak sektore guztietan egin du behera, nekazaritzan izan ezik, % 1 handitu baita.*

Viernes, 07 de agosto de 2015

Laneko ezbeharren indizea % 3,8 jaitsi da urteko lehen hiruhilekoan, Nafarroako Osasun Publikoaren eta Lan Osasunaren Institutuak aldi behin egiten duen [txostenaren](#) arabera.

2015eko urtarriletik martxorako epean laneko 1.808 istripu erregistratu ziren (horietatik 184 "in itinere" izan ziren, hau da, etxetik lanerako bidean). 2014ko denboraldi berdinean, 1.879 istripu erregistratu ziren (190 "in itinere").

Oro har murriztu egin diren arren, 2015eko lehen hiruhilekoan, 2 istripuk heriotza eragin zutela esan beharra dago; iaz, aldiz, heriotza bakarra izan zen. 16 istripu larri ere izan dira; iaz 14 izan ziren.

Hala ere, nabarmen egin dute behera istripu arinek: 1.790 izan dira aurten erregistratutako istripu arinak (iaz 1.864 izan ziren).

Aipatutako kasu guztietan, laneko baja eragin dute istripuek. Bajarik eragin ez dutenak eta berrerortzeengatik laneko bajak kontuan hartuz gero, hiruhileko honetan 4.736 izan dira (bik heriotza eragin dute, 18 larriak izan dira eta 4.716 arinak).

Datu horiek kontuan izanik eta erregistratutako langileen aldakuntza aplikatuta, behera egin du laneko baja eragin duten laneko istripuen intzidentziak mila langileko: 7,6 istripu erregistratu dira aurten 1000 langileko; 8,1 istripu izan ziren 2014an.

### Sektoreka

Ezbeharren kopurua sektore guztietan jaitsi da, nekazaritzan izan ezik, % 1 igo baita (100 istripu urteko lehen hiruhilekoan; 99 istripu izan ziren 2014an denboraldi berdinean).

Industrian murriztu da gehien kopurua (655 istripu erregistratu dira; iaz, 702). Ondoren, eraikuntzaren sektorean jaitsi da gehien istripuen



% 3,8 egin du behera laneko ezbeharren kopuruak.

kopurua (134 aurten eta 156 iaz), eta zerbitzuen sektorean (725 aurten eta 732 iaz).

### **Adinaren, sexuaren eta hiritartasunaren arabera**

Nafarroako Osasun Publikoaren eta Lan Osasunaren Institutuak erregistratutako datuen arabera, 40 eta 44 urte artekoek izan dituzte istripu gehien (270 istripu). Horien atzetik daude 35 eta 39 urte artekoak (266 istripu).

Sexuari erreparatuta, gertatu ziren 1.624 istripuetatik, 1.155 gizonak izan ziren eta 469 emakumeak.

Hiritartasunari dagokionez, 1.462 langile espainiarrak izan ziren eta 162 atzerritarrak.

### **Laneko gaixotasunek % 37,3 egin dute gora**

Bestalde, urteko lehen hiruhilekoan, laneko 471 gaixotasun iragarri dira. Hau da, iazko denboraldi berdinarekin erreparatuta, % 37,3 hazi da kopurua. Orduan 343 kasu erregistratu ziren.

Aipatutako kasuetatik, 241k laneko baja eragin zuten eta 230ek ez zuten bajarik eragin. Sexuari dagokionez, 294 gizonak izan ziren eta 177 emakumeak.

Agente fisikoek sortutako gaixotasunak izan ziren gehienak (433, hots, % 91,9). Horien atzetik daude lanak eragindako azaleko gaixotasunak (18 kasu, % 3,8) eta substantziak arnasteagatiko gaixotasunak (11 kasu, % 2,3).

Sektore ekonomikoak kontuan hartzen baditugu, industrian (296 kasu) eta, ondoren, zerbitzuen sektorean (153 kasu) sortu ziren gaixotasun gehienak.